



三
世
合
編

三志合編序

王新城蠶尾集謂前明郡縣志無愈秦者以其猶有三輔決錄之遺焉如武功朝邑高陵平涼富平北地及鄠耀秦郿華等十有一志皆文簡事覈訓詞爾雅其地率秦地撰志者率秦人也本驥壬午秋客秦中因得遍讀秦志始知新城之言爲信及檢閱

欽定四庫全書提要謂康書削地志繁濫之習書止七篇義例分明綱目具括韓書止二十餘頁上下數千年包括鉅細若有餘閒無局促束縛之迹全書於明代秦志祇收此二種益信二志足以該秦志之全且可爲天

三志合編

序

下郡縣志之法嘉慶癸亥中州李君衡前華容令樹穀之哲嗣也嘗輯靈壽志略於陸書論案片語無遺亦地志善本也因以韓康二志並付蔣君維揚彙入叢刻使兩朝名志鼎足並傳題曰三志合編亦操觚者之所快觀云道光二十七年丁未三月上澣長沙黃本驥撰

三志合編目錄

寧鄉黃本驥仲良編

湘陰蔣 瓌維揚校

卷一朝

朝邑韓志

原序二

總志第一

風俗第二

物產第三

田賦第四

三志合編 目錄

名宦第五

人物第六

雜記第七

後序

原跋

卷二

武功康志上

原序二

重刻序二

志例

地理第一

建置第二

祠祀第三

卷三

武功康志中

田賦第四

官師第五

卷四

武功康志下

人物第六

三志合編

目錄

二

選舉第七

原跋

卷五

靈壽陸志節本上

原序

志例

輿圖說

地理志

建置志

祀典志

卷六

靈壽陸志節本中

災祥志

物產志

田賦志

官師志

人物志

選舉志

卷七

靈壽陸志節本下

三志合編

目錄

三

藝文志

附錄時務條陳

答傅君維禱修志議

三志合編卷一

三長物齋叢書

朝邑韓志

原序二

余讀郡邑志蓋將極天下之撰矣然益繁而不能詳晦而不能白亂而不能理焉此安在於志耶夫志者記也記其風土文獻之事與官乎是郡邑者可以備極其改革省見其疾苦景行其已行察識其政治使天下爲士大夫者讀之足以興爲郡邑長者讀之足以勸而已然非以誇靈勝之迹崇獎飾之細也而撰者之志每不皆若此焉且何以觀也朝邑令陵川王君蒞縣之明年以

三志合編

卷一

原序

五泉韓子汝慶所撰朝邑志刻成謂予宜序諸首予讀五泉子之志異而歎焉曰嗟乎此吾五泉子之所以爲志也歟置縣沿革與山川故蹟官署諸事惟歸諸總志此天下之所通見而不能裁者斯予之所謂繁而不詳晦而不自亂而不理者矣今畢以反之矣名宦所以志其官師之行事人物所以備其豪俊之餘烈其恐猶有所遺而未盡也括之以雜記開卷之際凡川源改革之異文獻散失之舊皆縷陳而無憾矣使郡邑之志皆若此其奚有不可也王君名道字純甫作縣而能先事於此此可以徵其政也正德乙卯九月十又八日巳酉濟

西山人康海序

朝邑舊有志然不載高御史及劉烈女事二人者代不
數人顧可弗錄邪非也奇異如程濟善終如周或寵任
如楊恭迺略而不書沮水入渭蓋數千歲近時迺徑入
河川源改革此其大者而弗著後之人何考焉他可知
矣縣尹陵川王君曰是志且不傳然烏可以但已邪迺
以屬五泉韓子韓子於是乎編焉夫昔人之爲朝邑志
也豈不自以爲善哉然後之人迺有議而更之者豈非
一人之見有時而窮邪今之志如斯也夫今人之見猶
昔人也夫其繁簡取與之間其可議者吾不知其有幾
三志合編

卷一

原序

二

也後之君子各以其所見刪補而更正之猶今日焉斯
爲全志矣豈不善歟今志凡七篇正德己卯二月六日
五泉韓邦靖書

總志第一

朝邑爲縣起自西魏以據朝坂故名朝邑古爲冀州之
地殷周時爲芮國有大荔戎秦厲恭公伐大荔取其王
城築高壘以臨晉國更名臨晉後晉奪河西之地乃以
屬晉魏獻河西之地于秦乃復入秦漢爲臨晉縣隸左
馮翊有河水祠有芮鄉晉亦爲臨晉縣又爲左馮翊治
後魏分置南五泉縣隋置長春宮尋復爲朝邑縣唐亦

爲朝邑縣有河水祠西海祠武德中析爲河濱縣又爲河西縣以隸河中府大歷中復爲朝邑縣隸同州迄今因焉而以隸陝西西安府同州于天文爲參之分野東有大慶關又東至于河東爲蒲州蒲州者山西屬州也西有鐵鏹山又西有高陽城又西至于干興鋪西爲同州北有長春宮又北有苦泉又北至于金水河北爲郃陽南有漆沮又南有太白池又南有麻子池又南至于渭南爲華陰西南有沙苑城又有九龍池戶凡八十二里成化末歲大饑民多餓死又多亡去乃更爲七十二里正德五年又去其七里今爲六十五里云縣先在西

三志合編

卷一

總志

三

原上有相地者云城居高而左下法不利知縣後其言稍稍驗乃更移置原下然無城景泰初知縣申潤築焉方三里有奇東門一西門二北無門南門一城中東偏爲縣衙縣衙南爲西安行府府南爲儒學文廟在焉儒學南爲按察分司西爲布政分司布政分司北爲城隍廟城隍廟北爲陰陽學及醫學倉凡三所一在縣一在學一在城西原上壇凡三所社稷壇在城西北山川壇在城南邑厲壇在城北草場一所一在城西一在山川壇東養濟院在城南教場在城東桑棗園在教場西漏澤園在山川壇南鋪凡一十七所在城者一城西者二

城東者三城南者三城北者五西北者三社學凡二十九所在城內柳村新市鎮趙渡鎮趙村南陽洪永興鎮大慶關白豕龍池龍門村白村辛城寨兩女鎮倉頭救駕莊許村顧現延壽王家莊八里莊嚴伯步昌苦泉鎮霸城小伏坡小村白池泊子村各一 大慶關在縣東

三十里即古蒲津關今設巡檢司隸潼關衛唐元宗過蒲關詩鐘

鼓嚴更曙山河野望通鳴鑿下蒲坂飛蓋入秦中地險關愈壯天平鎮向雄春來津樹合月落戍樓空馬色分朝景雞聲逐曉風所希常道泰非復棄繻同又置稅課局關東即黃河西岸

岸去水不甚高然不溢他處或高四五丈輒溢土人以爲鐵牛鎮河故不溢鐵牛者唐時鑄鐵爲牛置河兩岸

三志合編 卷一 總志 四

岸各四牛各重數萬斤下爲鐵山尾施鐵軸以繫浮橋旁置鐵人以象繫牛宋嘉祐中河漲橋壞盡曳西岸牛於河元有僧懷丙者乃爲機法取牛河中已得三牛會有言取牛不難者丙怒棄去後人用其法取牛然牛竟不出今西岸止存三牛其一牛乃在河中始河漲時并壞岸元鐵判院全僉條築焉西北爲大荔戎城即王城左傳陰貽甥與秦伯盟於王城即此地後改爲武鄉今廢 漆沮一名洛水自耀州同官縣來至朝邑東南三十里入渭成化中乃崩入河水北有新市鎮宋元置稅監又有饒益寺寺中舊有藏春塢貯古名賢石刻今不

存獨殿壁上有宋賈炎諸人題名石

金趙抃記曰左馮之東南踰三十里

縣曰朝邑由縣之直南林木蒼鬱小徑縈紆約有十里有鎮曰新市鎮有寺曰饒益乃陝石之名藍也路當秦晉要衝枕山河之形勢自唐宋以來各名臣賢士經由往返莫不脫駕投榻于此或題名于壁或留詩于碑不可勝數前後主僧慮歲漫滅悉勒之于石寺遭兵火焚毀殆盡如前人石刻往往埋沒于頽垣遺基之下抃承乏命領鎮事至此恨不及見饒益全盛之時實為不足每暇日命童僕事鉅築搜抉于荆榛瓦礫之間雖獲名公大臣之行記詩刻例皆斷折訛缺讀之令人悲惋即其稍完者萃而置之于藏春塢壁冀後之游觀者興葺之不替然周覽環視必思其人焉時阜昌

馬坊頭在縣

西南十五里唐宋沙苑牧馬及上供牛羊皆置監于其地 沙苑城在馬坊頭西廣可數十里即宇文泰敗高歡唐王重榮敗邠寧朱玫處今秦所種柳不存低凹處

三志合編

卷一

總志

乃多白楊 太白池在馬坊頭西南三里池周回可十餘里洞然深黑其上常有雲氣亦能致雨池中有大鯨常食飲馬人以爲神池北爲蓮池麻子池在太白池正北五里池回長可二十里多蓮開花爛然映雲日池東南有安靖寺唐元宗祀汾時駐驛寺中今殿前有大柏樹懸宋崇寧中所鑄鐘九龍池在縣西南二十五里池東有霸城寺寺東北有靈應觀仙人張三丰嘗憩觀中今爲道會司自九龍池東至于趙渡鎮漆沮經焉濱水皆種桃樹二三月時兩岸桃花紛然三十里不絕 長春宮在縣西北原上後周宇文護所築隋文帝置殿其

上以瞰河華洛渭宮下花木四時茂盛如春故名長春
唐高祖起兵大原西定長安休士於此東有金龍寺僧
會司在焉西有元王由義墓南有唐嚴譏墓墓旁卽譏
祠 苦泉在縣西北四十五里以飲羊不羶南有唐同
州刺史姜師度通靈陂陂故漑田百餘頃今廢又南有
元戈平章甘社寨 金水河在苦泉東北五里自郃陽
縣來舊嘗引水灌田今廢北爲夏陽卽韓信木罌渡處

風俗第二

語曰至治之極國無殊俗今天子神靈海內一統烏有
所謂異俗者哉然閭閻趨向節序往來嬉戲之間則有

三志合編

卷一

風俗

六

與他處異者秦民皆力農朝邑頗事賈婚姻論財仕者
尙廉有氣前輩盡然今少衰焉元日樹紙竿接天神以
麻縛木炭置門上云吉利二日婿往拜婦家五日以故
綵紙爲婦人戊夜乃出婦人送窮二十三日照煎餅屋
上補天是日仍不得食米清明婦女盡出遊觀三日乃
已不得舉女工云卽舉之且盲四月四日男女戴皂角
葉已頭痛五月五日六月六日七月七日九月九日迎
女之已嫁者臘月五日食五色煮豆豆者毒也食之能
已五毒

物產第三

朝邑無他奇產產獨服食他處俱有者不載載其美者
多者果則瓜桃梨棗菜則韭蒜藥則麻黃甘遂香附枸
杞魚則魴鯉畜則羊服則木綿絲絲出南陽洪者斷則
易續引之則長

田賦第四

朝邑土田凡二萬四千一百四十九頃三十四畝戶今
一萬二千九十八戶軍二千三百八十七戶匠三百六
戶雜役一百七十八戶餘俱民戶焉口凡六萬二千六
百二十七口秋夏稅凡二萬七千五百石有奇草七千
三百六十束有奇木綿三千八十三斤絲綿六斤有奇

三志合編

卷一

物產 田賦

七

布九千七百三十三疋絹一百八十二疋此其以田賦
者其以丁賦者又有鹽鈔十有七萬六千八百四十貫
貫准銀三釐黃丹二千斤斤准銀七分綿羯羊二十隻
隻准銀六錢細辛一百三十斤斤准銀六分凡得銀五
百一十六兩有奇又有石青大材木炸塊木柴黃熟銅
山羊皮諸雜歲調多寡不同而力差不與焉宏治以前
丁賦力差供歲足則止不派故能以三十六里更用而
迭休之以後乃通取焉所以然者以用聽差者聽差者
差已足無差而聽差也聽差者官盡收銀而貯之庫上
戶丁九錢至七錢中戶丁六錢至四錢下戶丁三錢至

一錢畸零者丁一錢于是無空民矣

名宦第五

朝邑幅員不及二百里東有鹹灘西有鹽池四南有沙苑皆不可耕可耕者纔十分之二三耳而又界河渭漆沮三水者歲溢而善崩溢輒沒禾稼崩乃數十年不得田以故朝邑民獨貧少生業夫其和來安養獨在縣官耳縣官治績顯者洪武中則有縣丞卞禮宏建百規開先來者成化中則有知縣李英然英善修舉喜用民當其時聲名藉甚去之日民莫能思也宏治中則有知縣蘇槃廉謹不擾庶幾良吏近時則有知縣衛傑菲惡自

三志合編

卷一

名宦

八

持取與峻潔他無錄焉若夫元氏以往其或治績莫考而名氏猶存苟非聞人碩士必其遺愛不忘用並書之以垂不朽而教諭翟方附焉 晉歐陽建字堅石渤海人爲朝邑尹 唐劉幽求冀州武強人爲朝邑尉 季邠爲朝邑尉 畢縣令名次莫考 元成好德顏英俱朝邑知縣 大明卞禮洪武中爲朝邑縣丞 李英河南祥符縣人成化中爲朝邑知縣陞去 蘇槃河南南陽縣人宏治中爲朝邑知縣罷去 衛傑山西夏縣人正德五年爲朝邑知縣致仕去 翟方山西榆次縣人成化中任儒學教諭善教朝邑科目成化中獨盛甲午

科舉六人庚子科舉五人

人物第六

賢人長者懿德美行湮沒多矣豈不惜哉蓋宏治中沮水醫趙氏墓墓崩有石曰皇慶二年旌表孝子趙良漢籍少公嘗脫郭解于厄吏人踪跡至少公少公乃自殺以滅口 唐嚴譔則天時爲詳審使活死囚八百餘人罷疑獄百人又原不實者千餘姓譔善風角繼李淳風爲太史令占熒惑入輿鬼及諸張敗及諸陵墓事俱驗譔子向爲鳳翔尹有政聲 申屠思恭呂昂郭觚張元亮唐書云事親居喪著異行者 元趙良孝子 王

三志合編

卷一

人物

九

亨爲縣幕官亨孫由義至禮部侍郎歐陽元王氏世德序曰亨爲縣幕官持守端楷每與時尙同異遂棄去不仕由義爲徽政院都事能抑內侍節浮費爲御史累有獻替從幸上京抗章論衛士縱牧踐民田行營無敢犯者又與時相爭江西行省戰功至相震怒不爲動 大明高翔程濟楊景學馬仲昌洪武中俱以明經徵翔有文學節行爲監察御史高皇帝甚眷注翔翔所論奏無不關國家機事當上心者革除間文皇帝素聞翔召翔將大用之會 喪服入見語又忤旨乃殺翔族其家沒入其產 大產者皆倍其稅日以世世怒罵御

史也御史親戚皆配爲軍濟有法術爲四川岳池縣學教諭岳池去朝邑數千里濟寢食俱在朝邑而日治岳池學事不廢革除間上書言某月某日西北方兵起朝廷以爲非所宜言繫至京召入將殺之濟叩頭曰陛下幸囚臣期而無兵臣死未晚也遂繫濟詔獄已而兵果起乃赦出濟更以爲軍師護諸將北行與靖難軍先鋒戰于徐州大捷會曹國公師退文皇帝至江上濟逃去不知所終始徐州捷時諸將乃樹碑載戰伐次第及統軍者姓名濟一日夜往祭碑人莫測其故後文皇帝過徐州望見碑顧左右曰碑者何也或以狀對上大恚趣

三志合編

卷一

人物

十

左右椎碑一再擊遽日止止爲我錄碑來乃按碑族誅諸將無得脫者濟姓名正用擊處得免濟曩者之祭蓋禳之也景學縣丞仲昌大理寺左寺丞 李濟樊冕蕭

斌劉讓上志韓

家君各

案韓紹宗福

馬驤王巷房瑄

韓邦奇韓邦靖牛斗王朝瑩俱登進士濟官至左副都

御史一統志云才敏學優歷官守法冕官至河南叅政先爲都給事中吏部擬冕戶部侍郎英廟方嚮冕曰樊冕豈戶部邪可吏部侍郎無何英廟晏駕乃不果用斌至通政管易州柴厰保定府志稱其廉謹自守讓至知府讓有氣先爲戶部主事監太倉與內臣爭席相惡乃

謫東萊通判後爲永平府同知永平府志稱其剛斷韓

君

至福建按察司副使志驤俱知縣香至郎中倜儻

任豪數有論奏瑄至按察使先爲郎中上疏論時政時

人稱焉今家任邱邦奇至僉事邦靖至員外郎皆副使

韓家君

子今俱以罪譴爲民斗今養親朝塗今依親韓

邦靖日宏治中教諭西蜀李君志朝邑其稱家君日登

進士仕至福建按察司副使居官有爲執法平恕聞人

心之成化中爲刑部郎中朝廷有大獄擇公正官鞠之

僉推公初往正定再往大同曲直允合上心宏治初元

上疏論時政多所允俞云 楊仲貞吳墳唐夔倫楊恭

三志合編

卷一

人物

十一

王翼趙整歸儒李睿王福馬駿王剛楊茂王孜王恪安

永周道張玘王禮翟溫王質楊禮趙衡靳能陳善雷嚴

周易韓倫楊珪趙肅劉偉靳時熙安才孟熊郭鼎張磬

劉永張珣梁文盛雷爵李貞蕭鵬周瑄李夔仇昉于章

雷霓楊煥楊友黨爵東陽韓邦彥程範王朝雍雷子質

孟填樊得仁俱鄉試舉人楊仲貞楊禮張磬仇昉俱至

教授磬淳潔業尙書進士甚精吳墳府照磨唐夔倫王

翼歸儒楊茂王禮靳能韓倫安才郭鼎李夔黨爵俱知

縣倫剛介有行肅治曹縣曹縣志稱其吏人畏服楊恭

至陝西左布政使宣皇帝時恭謁選吏部言事稱旨卽

日召見上以恭言事有才而見又容貌偉甚乃敕吏部與恭左布政使部尙書言左布政不缺員缺獨陝西恭不得往上曰朱買臣獨不爲會稽耶恭奚不可陝西遂授恭恭頓首固辭上曰吾知若辭布政矣顧陝西鄉里撓而法耳乃令恭得便宜治事而賜免死券十道又以子剛爲錦衣指揮始恭行時人謝知縣知縣不爲禮旣得選乃令從者不得言布政衣故破衣納憑券破囊中置驢上騎往見知縣知縣不知恭已得布政又爲陝西勞之曰楊進士甚勞苦所得何官邪恭曰比知縣差大耳知縣素易恭聞恭言遂怒曰若言官大豈爲布政邪

三志合編

卷一

人物

三

縱布政將如朝邑知縣何恭笑曰安知非布政邪且正能治朝邑耳乃徐徐出其囊中憑券乃陝西布政也一縣人盡驚知縣卒得罪去趙整至監察御史周道至僉事道中式時驛歸將渡渭一婦人從後呼之婦人曰君騎卒妾子也妾寡居待此子以生念其當渡渭故追視之耳道惻然舍騎步歸後爲御史征雲南夷總兵官餽貨寶幾千金道却之又爲山西僉事有惠政卒于官喪出民遮道哭奠三日不得行李睿不仕王孜翟温俱衛經歷王恪都司斷事王質趙肅雷嚴楊友俱教諭趙衡陳善劉永俱訓導楊珪至太僕寺丞珪喜修廉隅飾儀